



Broj: 03-19-1000/21
Vogošća, 23.11.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.11.2021. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE
PROJEKTA "ZELENE STAZE OPĆINE VOGOŠĆA-STUDIJA UVOĐENJA BICIKLIZMA SA
IDEJNIM RJEŠENJIMA BICIKLISTIČKIH STAZA I PROŠIRENJA REKREACIONIH ZONA ZA
URBANO PODRUČJE OPĆINE VOGOŠĆA SA 3D VIZUALIZACIJOM"

Član 1.

Ponuda ponuđača "Enova" d.o.o. Sarajevo, ulica Podgaj broj 14/I. Sarajevo, odabrana je za pružanje usluge izrade projekta "Zelene staze općine Vogošća-studija uvođenja biciklizma sa idejnim rješenjima biciklističkih staza i proširenja rekreacionih zona za urbano područje općine Vogošća sa 3D vizualizacijom", kao prvoplasirana na Rang listi, sa ponuđenom ukupnom cijenom nabavke u iznosu od 8.000,00 KM bez uračunatog PDV-a, odnosno 9.360,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 02.07.2021. godine donio Odluku o pokretanju Otvorenog postupka nabavke usluge izrade projekta "Zelene staze općine Vogošća-studija uvođenja biciklizma sa idejnim rješenjima biciklističkih staza i proširenja rekreacionih zona za urbano područje općine Vogošća sa 3D vizualizacijom", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 02.07.2021. godine pod brojem: 1353-1-2-122-3-89/21.

Sažetak Obavještenja o nabavci objavljen je u "Službenom glasniku BiH" broj: 42/21 od 09.07.2021. godine.

Tendersku dokumentaciju sa Portala javnih nabavki BiH je preuzelo 29 (dvadeset i devet) ponuđača.

Krajnji rok za dostavu ponuda bio je 18.11.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 18.11.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-19-1000/21 iz jula 2021. godine i Izmjeni TD broj: 03-19-1000/21 iz novembra 2021. godine, odnosno pregledu ponuda u skladu

sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Urbis centar" d.o.o. Banja Luka	9.900,00	/	/	11.583,00
2	"NTSI-institut" d.o.o. Sarajevo	10.500,00	/	/	12.285,00
3	"Enova" d.o.o. Sarajevo	8.000,00	/	/	9.360,00
4	"Westport consulting" d.o.o. Sarajevo	7.575,75	/	/	8.863,63

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Westport consulting" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata.

Ponuđač "Westport consulting" d.o.o. Sarajevo nije dostavio ponudu na naprijed propisani način, tj. dostavljena ponuda je stavljena u fasciklu sa mehanizmom za uvezivanje, ali ista nije uvezana jemstvenikom, dakle ista nije čvrsto uvezana, a što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemogući naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda.

U skladu sa prethodno navedenim mišljenjem Ureda za razmatranje žalbi BiH-Filijala Mostar pod čvrstim uvezom se podrazumjeva ponuda ukoričena u knjigu ili ponuda osigurana jamstvenikom, a što ponuđač "Westport consulting" d.o.o. Sarajevo u konkretnom slučaju nije učinio.

O naprijed navedenom je također zauzeo stav i Sud Bosne i Hercegovine u Presudi broj: S1 3 U 021191 16 U od 08.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Urbis centar" d.o.o. Banja Luka,
- "NTSI-institut" d.o.o. Sarajevo i
- "Enova" d.o.o. Sarajevo

ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade projekta "Zelene staze općine Vogošća-studija uvođenja biciklizma sa idejnim rješenjima biciklističkih staza i proširenja rekreacionih zona za urbano područje općine Vogošća sa 3D vizualizacijom" kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Enova" d.o.o. Sarajevo	8.000,00	/	/	9.360,00
2	"Urbis centar" d.o.o. Banja Luka	9.900,00	/	/	11.583,00
3	"NTSI-institut" d.o.o. Sarajevo	10.500,00	/	/	12.285,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Enova" d.o.o. Sarajevo, za pružanje usluge izrade projekta "Zelene staze općine Vogošća-studija uvođenja biciklizma sa idejnim rješenjima biciklističkih staza i proširenja rekreacionih zona za urbano područje općine Vogošća sa 3D vizualizacijom", kao prvoplasiranom na Rang listi, sa ponuđenom ukupnom cijenom nabavke u iznosu od 8.000,00 KM bez uračunatog PDV-a, odnosno 9.360,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Urbis centar" d.o.o. Banja Luka
2. "NTSI institut" d.o.o. Sarajevo
3. "Enova" d.o.o. Sarajevo
4. "Westport consulting" d.o.o. Sarajevo
5. Nadležnoj Službi
6. U dosije
7. a/a

051/223-962

033/847-775

033/279-108

033/550-432



OPĆINSKI NAČELNIK

Edin Smajić
Edin Smajić